



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

2. Soli Episcopi Alectensis, & Apamiensis causam sustentant ab alijs metu
desertam, quod ipsorum testimonijs ostenditur. Apamiens. exilium, &
mors.

urn:nbn:de:hbz:466:1-38277

perditæ Libertatis! Capi, vinciri volumus, & hoc ipsum chirographo testamur; id tantum scribite, liberos nos esse. Recusarunt alij, sed tamen Capitulis suis permisere, ut Regaliae subscriberent; perinde ac si nulla Pastoris culpa esset, si ejus non imperio quidem, sed permisso oves errassent; (a) si enim Regaliam suis Ecclesijs imponi justè crediderant, cur ergo ipsi abnuebant? si injustè, cur, ut Canonici id facerent, patiebantur? Enimvero non minus in animorum, quam militum Ductore eadem, parisque momenti culpa est, facere, & non prohibere, cum possit. Sed Regalistarum importunitas Beneficia, fructusque raptantium efficit, ut qui istorum gratificationibus liberari vellement, jugum subirent, fædâ quidem, sed utili servitute.

H. Duo tantum Episcopi Regijs Edictis obnixi sunt, Atenensis videlicet, & Apamiensis; & primò quidem omni reverentiâ, & obsequio certatum est, demonstratâ Ecclesiarum immunitate, quam & Concilij Lugdunensis auctoritas, & annorum supra quadringentos decursus firmaverant: sed cum in aula non rationibus, sed imperio ageretur, & soli ipsi certarent, reliquo agmine aut vieto, aut composito, nihil effectum est: nec ideo cessere; nunquam enim adducti sunt, ut subscriberent, imò vibratis censuris, edictisque propositis procul Regalistas arcebant: Romam etiam inclamârunt, commune Episcoporum asylum, cum periclitantur. Sed quid facherent soli? imò hoc illis criminis dabatur, quod causam ab omnibus desertam soli sustinerent. Ergo omni malorum genere exerciti, nullâ ætatis, quæ jam provecta erat, nullâ virtutum, quâ præcipue florebant, nullâ dignitatis reverentiâ; nec alterius culpe postulabantur, quam quod Ecclesijs suas, ab hominum memoria, & decreto Concilij Lugdunensis ac ipsorum Galliæ Episcoporum testimonio liberas, nollent in servitatem rapi; imò nec poterant velle, quippe Concilio Lugdunensi enixè id ipsum vetante: quid ergo facherent? Regi potius, an Concilio obedirent? omnino sic illis visum, quibus delitiae, & quies, ac Principis gratia præ Libertate fuit: nec quid Ecclesijs, ac celo, sed quid mundo deberent, cogitantibus: quid ergo facherent, si secures, & flammæ, & alia tyrannorum instrumenta fævirent? illi sanguinem funderent,

(a) M. de Pamiers fol. 177.

rent, qui vocibus pepercere? & Neronibus, ac Decijs veritatem edicerent, ante Regem Christianissimum muti, pavidiq; agnoscisse enim Galliae Episcopos, nullo jure Ecclesiæ gravari, soloque offendendi Regis metu, Regaliam admisisse, ipsorum confessione, & litteris Innocentij Summi Pontificis, palam est, sic enim loquitur: (a) *Animadverimus litteras vestras à metu ordiri, quo suafore nunquam Sacerdotes Dei esse solent, & in ardua, & excelsa pro Religione, & Ecclesiastica libertate vel aggrediendo fortes, vel perficiendo conflantes: timuistis ergo, ubi non erat timor, &c. Et infra. Nobis excusationem allaturi rerum à vobis aclarum exaggerati periculum, ne Sacerdotium, & Imperium inter se colliderentur: proinde existimasse vos, ad officium vestrum pertinere utili condescensione Canones temperare; proinde vos jure vestro decedentes, illud in Regem transluisse. Hic plane agnoscunt Galliae Antistites, non potuisse Regaliam universim, & ad omnes Ecclesiæ extendi, nec istud ad Regni, & coronæ jura, ut aulæ videbatur, pertinere; alioquin nec dispensare illos, nec jure suo cedere oportebat; nemo enim jure alieno cedit: nec Reges, ut jure suo utantur, dispensatione egent.*

Illud mirum fuit, nec haec tenus auditum, ut Episcopi in causa dispensarent, tot, ut supra vidimus, Concilijs, & ultimo Lugdunensi prohibita. An ergo potestas illis est, Decreta Conciliorum universalium solvendi? & qui Pontificem Romanum Concilijs subesse volunt, ipsi Concilijs se præferunt? dispensatio enim ad Superiorem pertinet.

Nec alia in re tanti momenti dispensandi causa, quam vanus offendendi Regis metus, & præclara illius de Ecclesijs merita. Regem ergo injustum faciunt, impiisque, qui justitiæ, & veritate offendatur, nec Antistites ferat officij sui, ac juramenti memores; supponunt ergo Regem ignaviâ tantum, & adulazione, ac sacrilegio placari, quo nihil indignius de Rege tam justo, tot virtutibus, ac facinoribus claro dici potest. Neque hoc remunerari Principem fuit toties de Ecclesijs, & bene meritum; non enim remuneratur, qui perdit blandiendo; illud potius remunerari erat, si errantem revocassent, ostensio præcipitio, in quod perversis filiis agebatur, tenuissent lapsurum: nisi forte tanti Regis animam minoris, quam corpus, & sanitatem ducant, negligantque curare,

quia

(a) Breve Innoc. XI. ad Galliæ Episcopos Anno. 1682. die II. April.

quia æternitati perituram. Quanta Davidis in Regnum, & Ecclesiam merita? num idè celari adulterium, & conniveri homicidio debuit? num pœnæ abscondi, ne quietum, & securum turbarent? imò quia amabat, quia fidus erat, & gratiam bene merenti referre properbat, idè explicatè, impavidèque monuit Propheta, terruitque lethargo peritum: *Tu es, inquiens, ille vir: tuiam percussisti gladio, & uxorem illius acceperisti in uxorem tibi, & interficiisti eum gladio filiorum Ammon: quamobrem non recedet gladius de domo tua in aeternum, &c.* Idem spiritus, idem amor, & libertas Joannis Baptista fuit: bene Herodes de illo merebatur, qui libenter dicentem audiebat, & eo auditu multa faciebat. Num idè incæstu, & adulterijs feco pepercit? aut non potius rogavit, monuit, ac tandem cùm aures flagitio clauderentur, nullo Regis, nullo meretricis metu, amore, ac potentia ferocis, quantâ potuit voce inclamavit pereuntem: *Non licet tibi habere uxorem fratris tui.* Non ergo benemeritos remunerantur, qui connivunt, præbentque nocitura, sed qui negant. Sed nec minus admirari illas voces, aut horrere juvat, cùm dicunt: *Jure nostro decadentes illud in Regem contulimus.* Vos ergo Ecclesiæ, quæ vobis creditæ sunt, arbitri, & Domini, non custodes, & tutores estis? earumque jura, ac privilegia, ut metus aut cupiditas fuerit, in alios transfertis? hoc nimirum jurâstis, cùm infusias acciperetis, & vos mortem potius subituros, quām, ut Ecclesiæ libertatem proderetis, spopondistis? Quo ergo jure transferre potuistis, quæ nec vestra sunt, nec vobis commissa alijs donanda, sed tantum custodienda? Vobis ergo, vestræque voluntati Concilia, & Canones subsunt, imò fides, & juramenta, & Ecclesiæ Libertas, ac disciplina, quam, ut libuerit, Principibus, & Laicis submittitis, ac interim Romanum Pontificem tam indigna respondentem, per Conventus, & Decreta monetis, ut Canones custodiat. Ergo, ut dixi, reliquis omnibus terga vertentibus soli Alestenfis, & Apamiensis Episcopi in acie perstiterunt, & quòd causam Ecclesiæ impigrè suscepissent, omni ærumnarū genere vexatis sunt, Rege aut ignaro, aut falsis eorum criminationibus, qui privatissimi studijs agebantur, prævento; nam Jansenismi, novarumque rerum, & contemptæ Majestatis accusati sunt, cùm tamen non aliâ culpâ laborarent, quām quòd nollent novæ servituti succumbere, nihilque

æquè illos angebat, quām quòd viderent, Beneficia titulo Regaliæ perinde ac si Ecclesia vacâset, indignis conferri; quæ pœna nova omnino erat, & nunquam audita: nec tam Episcopos, quām Ecclesiæ, Deumque spectabat, ingenti animarum clade. Quippe Episcopus Apamensis Canonicos suos sub Regula D. Augustini ad illud vitæ genus reduxerat, quod in primitiva Ecclesia olim florebat, abdicatis videlicet patrimonij, & nullâ temporalium curâ. Toti ergo in animarum salutem, & virtutes incumbeant eâ professione dignas; nec major alibi, quām in ea Ecclesia ardor sanctitatis. At verò Antistite rebus suis spoliato, alij ex delectu Regij Confessarij catervatim irruerant, non animarum, sed honoris, quæstusque avidi, quique assumptâ tesserâ, bilaris societati, ludis, epulisque, & amatorijs cantibus noctes ducebant, ac illis ipsis, qui eos delegerant, pudori erant. Ergo, ut dixi, nova hâc, nullisque sæculis auditâ pœnâ non tam Episcoporum culpæ, si que fuerant, quām Ecclesiæ plectebantur, & majori animarum, quām facultatum damno; crevítque malum Episcopi morte. Is arumnis confessus est, cùm prius ad Regem litteras dedisset, quibus rogabat, monebatque, pulcherrimo Libertatis & reverentiæ temperamento.

III. Expletis funebribus, & corpore in sepulchrum illato, Capitulum convenit, & Vicarios Generales, dum novus Episcopus optaretur, Daubaredum, & P. Rech elegere. Daubaredus cum Archiepiscopum Tholosanum convenisset, humaniter acceptus est, permisusque officio fungi: datae eriam ad Regalistas litteræ, quibus monebantur, ut contenti proventis accipere, sacris officijs in Ecclesia Apamensis abstinerent, ne materia novis tumultibus præbereretur: quod cum illi neglexissent, adeſtenteque Vesperis, Daubaredus defuncti Antistitis vestigis, & exemplo inhærens, censuris obstinatos perstringit, nec multò pòst exilium illi, & carceres decreti, imperio Regis. Eadem fortuna Recho fuit. Is ad Aquas Augustas (vulgò Acqs) relegatus haud procul Burdigalâ; quò cum pervenisset, ad carceres raptus est à Præfecto Aquitaniæ, tamque inclementer habitus, ut ne panis quidem suppeteret, præter buccellas à militibus mendicatas. Cerles Capituli electione Daubaredo suspectus est; sed isto velut usurpatæ potestatis ab ijs

M accusato,